

太上黃籙齋儀卷之三十八

王四

唐廣成先生杜光庭集

遷拔中分行道

入戶

各禮師存念如法

衛靈

升靈朱火 炎霞激風 赤輪剛運

天光八衝 逆威包羅 交變萬方

流金豁落 羣魔滅蹤 辟奸破妖

明耀元功 金符召制 躡雲策龍

謠歌慶會 散花太空 神化冥運

四極安隆 伏御帝前 罔有不恭

鳴法鼓二十四通

无上玄元太上道君召出_臣身中三五功曹

左右官使者侍香金童傳言散花玉女五帝

直符直日香官各三十二人出出者嚴裝關

啓玄壇天帝神君當召此間土地里域真官

正神_臣今行道謹奏為入意願得玉清道炁

靈寶妙光下降流入_臣身中令_臣所啓速達

太上无極大道虛无自然金闕玉陛下

各稱法位

具位_臣其等謹同誠上啓

虛无自然元始天尊无極大道太上大道君

太上老君高上玉皇十方已得道大聖衆至

真諸君丈人三十六天帝君玉虛上帝玉帝

大帝東華南極西靈比真玄都玉京金闕七

寶玄臺紫微上宮靈寶至真明皇道君三十

六部尊經玄中大法師三界官屬一切真靈

_臣等夙承玄運獲履法門窺照靈章遵行科

典所宜棲身巖谷追跡靈泉擺落塵誼精修

秘妙而至真慈育以濟物為先大道度人以

立功為本宜中拯救普及幽明况有請祈理

難寢絕今奉詞旨敢不上聞

讀詞

按如詞言志希聞濟緬茲幽夜義在憫傷竊

惟大衆分形稟生毓質乘和委順體地法天

虛白難全機緣易感識塵流蕩幻境推遷犯

誤既多罪條無量沉流求夜億劫難原唯託

熏修冀其昇濟是敢披心三洞歸命諸天黃

籙開懺拔之科玄都有遷神之品式憑虔潔

庶贖愆瑕各運丹心用祈積祐以今中分行

道請法衆等運茲初捨上香

願此香煙騰空徑上供養

无上至真道寶_臣等歸身歸命首體投地仰

依

太上三尊願以是功德歸流社稷尊靈宗桃

先聖昇遊真境超證仙階宴處南宮流祥北

闕

帝圖延求

聖壽遐長被聲教於八溟混車書於萬國今

故燒香歸依

師尊大聖衆至真之德得道之後昇入无形

和與道合真

以今中分行道請法衆等運茲二捨上香

願此香煙騰空徑上供養

无上至真經寶_臣等歸身歸命首體投地仰

依

太上三尊願以是功德歸流齋主某家九世

七玄德曾萬祖出幽陰之域昇清淨之鄉受

福朱陵鍊神丹霍亡靈冥識蕩滌宿瑕罪簡

落名青官列籍起離苦趣解釋幽牢得昇長

樂之庭克證無為之果今故燒香歸依

師尊大聖衆至真之德得道之後昇入元形

和與道合真

以今中分行道請法衆等運茲三捨上香

願此香煙騰空徑上供養

无上至真師寶_目等歸身歸命首體投地仰

依

太上三尊願以是功德歸流齋主某家眷屬

親緣同資勝福祿延壽永罪滅災祛廣及羣

生週周有識俱登壽域共沐玄慈今故燒香

歸依

師尊大聖衆至真之德得道之後昇入无形

和與道合真

禮方

懺悔

各思九色_目圓象噉液命魔密呪

步虛旋遶

旋步雲綱上 天風颯爾吹 飄裾凌斗柄

乘笏拊參旗 獅子齋丹綬 麒麟導翠輜

飛行周八極 幾見發春枝

綠鬃魏升幘 青霞絡羽衣

夜造月華扉 搏弄周天火

玉房留不住 却向九霄飛

水雲魔官慚 燈開夜府明

四極悉澄清 嘯誅朱陵府

至誠何以祝 國祚永安寧

三禮

_目等至心稽首禮

太上无極大道

_目等至心稽首禮

三十六部尊經

_目等至心稽首禮

玄中大法師

重稱法位

具位_目某謹重伸上啓

太上无極大道元始天尊太上大道君太上

老君十方无極大道道德衆聖三十六部尊

經玄中大法師上相上宰四司五帝三界官

屬一切真靈_目聞至聖垂慈開八門而拯苦

具經演化布三洞以度人惠溥幽明澤周天

地得緣斯自遠登丹誠弘道立功用禪明訓

齋主某以亡靈陶形復古稟氣初天從無始

以來泊于今日隨化機之運感夢境之中六

識起塵十纏迷性易生罪咎旋積過尤或犯

觸真靈或旁干禁忌上違天道下爽地冥或

故殺誤傷貪財害義虧慈讓之德失禮樂之

和侵暴生靈損傷物命罪結三官之府名編

五帝之司身歿以來慮成報對或陰關拘滯

或異趣飄淪長夜冥冥無由躋拔是敢束心

禱福懺惡祈天絞繒效請命之儀龍媒備選

神之信然九幽神燈照燭長夜禮十方睿號

開濟重陰上告諸天下關諸地及五嶽羅酆

之境三塗六趣之鄉惠露息於焦勞慈風竭

其熱惱使冤仇和釋債訟消平焚黑簿於酆

山刻丹篇於南極千愆萬過咸賜蕩除鍊神

流火之庭瑩魄少陰之闕上生仙品乘化天

衢然願三景著明二儀交泰五兵戢息百穀

滋豐天祚遐長聖壽延永龍神幽贊風雨均

調蠶賴有生咸蒙全育某家存亡受福眷屬

調蠶賴有生咸蒙全育某家存亡受福眷屬



結榮兼府冥律並登真果上明
天尊大慈之澤下副臣等歸命之誠謹啓以
聞

發願

- 願大道淡泊虛无安閑空寂澄清自居廣
開法門教導頑夫皆蒙惠澤精苦自修預
以同學普得昇虛與天相保長存無憂
- 二願諸天結炁澄清高虛廣覆保貞固靈氣
候調節四運和平國安民豐普天閑寧廣
濟一切患達有生保天長存億劫不傾
- 三願土地覆載無窮安平不陷海淪不崩保
鎮家國兆民興從養生安死惠周十方禾
稼滋植管運日豐咸得履載萬類皆從
- 四願日月二景高明無有薄蝕虧盈安清光
照諸天洞消暗冥保固劫運世祚和平普
加潤澤惠變衆生
- 五願星辰與日月齊光轉燭照耀朗映十方
各安其位經緯直行保鎮家國無有災傷
- 四海寧一普天興昌
- 六願四時隨節推遷景氣和調無有災患疫

毒消滅普天安平五穀豐熟國富民歡

- 七願浮雲結炁聚煙飛空高湛蔭覆玄玄隱
則無為散則彌天神仙同居結友衆真惠
流一切與國愛民普濟羣生人同劫年
- 八願風雨流灑無窮普加施泄受其發揚萬
物滋生國儲民豐

九願五嶽各安其方巍巍包藏長為仙宮安

- 鎮國祚保天無終護度一切莫不仰宗
- 十願江海蕩蕩無極含容恢廓無細不植淵
奧柔惠潤加熾息天人獲慶年同劫石
- 十一願帝王國主日昌四鎮安睦兵革不揚
天人歌唱吉應來翔敷教濟濟威化揚揚
兆庶稱慶長樂未央

- 十二願蝗飛蠢動已生未生成蒙安全普得
生成皆見元氣受陽之形草木果林經冬
不零一切濟度靡不鮮榮和與道合真

復爐

香官使者左右龍虎君侍香諸靈官當今臣
行道之所自然生金液丹碧芝英百靈衆具
交會在此香案爐前今臣學道得道求仙得

仙十方仙童王女接待侍香煙傳臣向來所啓
之言速達徑御

太上无極大道虛无自然金闕王陛下

出戶

太上黃籙齋儀卷之三十八